

Broj: 01- 783/20

Sarajevo, 12.05.2020.godine

Na temelju člana 17. Zakona o osnivanju Instituta za medicinsko vještačenje zdravstvenog stanja (Službene novine FBiH 70/07, 26/14 i 40/18), člana 24. Pravila Instituta za medicinsko vještačenje zdravstvenog stanja (Službene novine FBiH 38/08), u skladu epidemiološkom situacijom pandemije Korona virusa (COVID -19), svim mjerama, naredbama i preporukama Federalne uprave civilne zaštite i Federalnog Štaba/Stožera civilne zaštite, direktor Instituta donosi sljedeću:

**ODLUKA**  
**O ORGANIZACIJI RADA INSTITUTA ZA MEDICINSKO VJEŠTAČENJE**  
**ZDRAVSTVENOG STANJA**

- (1) Počevši od 18.05.2020. godine nastavljaju se pregledi za medicinska vještačenja zdravstvenog stanja u prostorijama svih Odjeljenja u Institutu za medicinsko vještačenje zdravstvenog stanja.
- (2) Pregledi u kućnim posjetama nastaviti će se kada epidemiološka situacija u pojedinim kantonima/županijama i općinama isto dozvoli, uzimajući u obzir situaciju u svakom pojedinom području.
- (3) Rad liječnika vještaka u komisijama na terenu nastaviti će se kada bude moguće organizirati smještaj radnika prilikom rada na terenu (otvaranje hotela i restorana).
- (4) Zakazivanje termina za preglede vršiti će se od najstarijih predmeta, odnosno onih čiji su pregledi odgođeni prilikom proglašavanja stanja prirodne nesreće 16.03.2020.godine, uzimajući u obzir hitnost predmeta (*ocjene radne sposobnosti za radnike koji su na privremenoj spriječenosti za rad – „bolovanj“, predmete u kojima je određen kontrolni pregled, predmete u kojima je pravo priznato privremeno itd.*) kao i mogućnost dolaska u prostorije Instituta samih korisnika usluga zbog zabrana kretanja određenih skupina ( starijih od 65 godina i mlađih od 18 godina) i funkcioniranja javnog prijevoza.
- (5) Prilikom zakazivanja termina pregleda i broja pregleda na dnevnoj razini, mora se uzeti u obzir potreba održavanja socijalne distance korisnika usluga u čekaonicama i prostorijama Instituta, pa se pozivanje vrši u razmancima od minimalno 30 do 60 minuta, a prema mogućnostima samih liječnika vještaka i liječničkih komisija kao i specifičnosti samih predmeta.

(6) Radi zaštite zdravlja radnika Instituta i korisnika usluga, ulazak u prostorije Instituta za medicinsko vještačenje zdravstvenog stanja moguć je samo i isključivo od 08.30 sati radnim danom i to uz:

- Korištenje zaštitne maske (preko usta i nosa) i rukavica;
- Prelazak obućom preko „dezobarijere“ natopljene dezinfekcionim sredstvom;
- Dezinfekcije ruku (ili rukavica) dezinfekcijskim sredstvom;
- Mjerenja temperature bezkontaktnim uređajem – toplomjerom;

Bez naprijed navedenih radnji ulazak neće biti dopušten.

Ukoliko se prilikom mjerenja temperature utvrdi da je ista povišena, stranka će biti vraćena uz obavještenje da se telefonski može ponovno javiti radi zakazivanja novog termina, a kada ne bude imala povišenu temperaturu.

(7) Ulazak u prostorije Instituta za medicinsko vještačenje zdravstvenog stanja je dopušten samo:

- Osobama čije se medicinsko vještačenje vrši;
- Osobama u pratnji radi pomoći u kretanju ili pomoći djeci i maloljetnim osobama, osobama s posebnim potrebama i dr;
- Dostavljačima poštanskih ili robnih pošiljki;
- Radi neposredne predaje zahtjeva ili neposrednog utvrđivanja potvrda konačnosti na Nalaze;
- Osobama koje imaju zakazan i potvrđen sastanak kod djelatnika Ureda direktora;


Za sve ostale potrebe (dostava dodatne medicinske dokumentacije, informacije, zahtjevi za razgovore i sastanke i slično) nije dopušten ulazak, a stranke dokumentaciju mogu dostaviti poštom ili fax-om na brojeve Odjeljenja ili Ureda Direktora, te informacije mogu dobiti telefonskim putem ili putem e-mail adrese: [info@imvzs.ba](mailto:info@imvzs.ba)

(8) Dopušten je ulazak samo jedne (1) osobe u pratnji korisnika usluga. Ukoliko se zbog zdravstvenog stanja (invalidska kolica, slabija pokretljivost, roditeljska pratnja itd.) potrebna pomoć i prisustvo više od jedne (1) osobe, iste će nakon ulaska i pomoći samom korisniku usluga napustiti prostorije Instituta, te mogu biti pozvane nakon završetka pregleda radi ponovne pomoći.

(9) U čekaonicama i prostorijama Instituta obavezno je održavanje distance od minimalno dva (2) metra, a što će se posebno označiti u čekaonicama u kojima borave korisnici usluga. Ukoliko je broj osoba koje borave u čekaonicama onemogućava održavanje distance, drugim osobama neće biti dozvoljen ulazak sve dok potreban broj osoba ne napusti prostorije Instituta.

- (10) Pored obvezne dezinfekcije prilikom ulaska u prostorije Instituta, u svim čekaonicama potrebno je postaviti na vidljivo i označeno mjesto dezinfekcijska sredstva za ruke za potrebe radnika Instituta i korisnika usluga.
- (11) Obavezno je redovno i periodično provjetravanje svih prostorija i kancelarija, a posebno liječničkih ordinacija.
- (12) Nakon neposrednog pregleda vršiti će se obavezna dezinfekcija liječničkih ordinacija i opreme radi zaštite radnika Instituta i korisnika usluga medicinskog vještačenja zdravstvenog stanja.
- (13) Prilikom neposrednog pregleda liječnici vještaci dužni su koristiti zaštitnu opremu : rukavice, maske, vizire, kape i zaštitna odjela – kombinezone.  
Svi radnici Instituta koji nisu u neposrednom kontaktu sa korisnicima usluga obavezni su koristiti zaštitne maske (preko usta i nosa) i rukavice, te vršiti redovne dezinfekcije ruku i radnih površina.
- (14) Postupanje prema ovoj Odluci je obavezno te su svi radnici Instituta, djelatnici zaštitarski službi i korisnici usluga dužni poštovati istu. Postupanje suprotno Odluci predstavlja težu povredu radne obveze.
- (15) Postupanje suprotno odredbama ove Odluke od strane korisnika usluga, osoba u pratnji i svih drugih osoba koje se nalaze u prostorijama Instituta za medicinsko vještačenje povlači mogućnost da iste budu udaljene iz prostorija.
- (16) Ova Odluka biti će dostavljena svim radnicima Instituta, objaviti će se na web stranici Instituta [www.imvzs.ba](http://www.imvzs.ba), a obaveze koje se odnose na korisnike usluga posebno će se označiti na ulazu i u prostorijama Instituta.
- (17) Ova Odluka stupa na snagu danom donošenja i primjenjivati će se za vrijeme trajanja stanja prirodne nesreće prema odlukama Vlade Federacije BiH.



  
\_\_\_\_\_  
direktor, prim.dr. Ivo Šandrk